

Сарыжар жалпы орта білім беретін мектебінде
Мектеп формасының сақталуы, мектептің ішкі тәртіп ережесінің орындалуы туралы
анықтама

1. Мектеп сабақтары мектеп директоры бекіткен кестеге сәйкес жүргізіледі.
2. Сабақ ұзақтығы 45 минут.
3. Қоңырау ұзақтығы санитарлық нормаға сәйкес мектеп директоры бұйрығымен анықталады.
4. Қоңырау бойынша оқушылар сабаққа кіріп, дайындалады.
5. Мектепте сабақтар 8 сағат 00 минуттан басталады.
6. Қоңырау кестесі жасалады

Мектептегі оқушылардың сабақтарға қатысуы және сыртқы келбетке қойылған талаптар

1. Оқушы жолдан абайлап өтіп, жол жүру ережелерін ұстануы қажет.
2. Қоғамдық көлікте оқушы тәртіп ережелерін және тиісінше қауіпсіздік шарасын сақтауы қажет.
3. Санитарлық талаптарды сақтау, мектепке бетпердемен (маска) келу.
4. Оқушы мектепке сабақ басталуына 15-20 минут қалғанда келіп, таза әрі ұқыпты киінуі тиіс.
5. Сыртқы киімнің қалталарында ақша, кілттер басқа да құнды заттардың болуына тыйым салынған.
6. Ұялы телефонды сабақ үстінде қолдануға тыйым салынады.
7. Оқушы мектепте ұқыпты және шамданбаған шаш үлгісін ұстанып, өзімен маскасы, таза қол орамалы мен тарақ болуы қажет.
8. Оқушы жеке гигиенаны сақтауы қажет. Оқушы сырт келбеті жайында кезекші мұғалім немесе әкімшілік мүшесі бағалап, нағыз ережелерге сәйкес талаптар қояды.
9. Сабақтан қалып қойған оқушыларды кезекші әкімшілік мүшесі немесе мұғалім тіркеп, күнделікке қалып қойғаны жайында жазады. Қалып қойған оқушылар тек кезекші әкімшінің рұқсатымен ғана сабаққа кіре алады.
10. Жүйелі түрде сабақтан қалатын оқушылар мектеп әкімшілігіне түсіндіру үшін шақырылады.
11. Оқушыларды сабақтан жіберу мұғалімнің келісімімен мектеп директоры немесе кезекші мұғалімінің бұйрығымен жүзеге асырылады.
12. Оқушылардың оқу кезінде мектептен шығуы тек сынып жетекшінің немесе кезекші әкімшінің жазба рұқсатымен жүзеге асырылады.
13. Бөтен тұлғалардың мектепте болуы тек мектеп күзеті мен кезекші әкімшінің рұқсатымен ғана бола алады.
14. Сыныптан тыс шаралар жоспарланбаса, сабақтар аяқталған кезде оқушылар 5- 20 минуттан кейін мектептен кетулері тиіс.
15. Оқушы сабақтан қалса, сынып жетекшіге медициналық анықтама немесе ата-анасының түсініктемесін тапсыруы қажет.
16. Оқушы себепсіз 3 күн сабақта болмаса, онда ол тек мектеп директоры атына ата-анасының жазба түсініктемесі негізінде ғана сабаққа келе алады.
17. Егер де мұғаліммен басқа келісімі болмаса оқушы босатқан сабақтарды барлығын бір аптаның ішінде өздігінен меңгеруіне жауапты.
18. Оқушы сабақты босатса да мұғалімге босатқан сабағының есебін тапсырады және үй жұмысын орындайды.
19. Оқушыны сабақтан босату үшін ата-ананың бірі мектеп директоры атына (3 күннен кем емес) өтініш білдіруі қажет. Осы кезде сабақтан қалған уақытты компенсациялау қажет, ол не өздік жұмысын жасап, не болмаса мұғаліммен қалған уақыттан бұрын немесе одан кейін қосымша сабаққа баруы тиіс. Босатқан сабақтар үшін оқушы тиісінше бақылау жұмыстарын орындайды.

Оқушылардың сабақтағы тәртібі

1. Оқушылар міндетті түрде сабаққа үй тапсырмасын орындап алып келеді.
2. Мұғалім сыныпқа кірген уақытта оқушылар тұрып амандасады.
3. Мұғалім ғана орнынан тұрмай жауап беруге рұқсатын бере алады.
4. Оқушы жауап берген кезде қатты дауысын шығарып, түсінікті, асықпай, өз ойын дұрыс жеткізуіне тырысуы қажет.
5. Сабақ кезінде көшіру және сыбырлар айтуға болмайды, ол оқу материалын дұрыс меңгеруіне бөгет болады.
6. Жауап беремін деген оқушылар қолын көтерулері міндетті. Басқа қылықтармен өзіне назар аудартуға болмайды.
7. Оқушылар мұғалімнің түсіндіргенін және жолдастарының жауаптарын мұқият тындап, шуламай, сөйлемей, басқа нәрселермен айналыспай, бөгет жасамаулары тиіс.
8. Сабақ барысын бұзған әрекет дөрекі тәртіп бұзушылыққа жатады. Оған кінәлілер мектеп әкімшілігі тарапынан тәртіптік жазаға ұшырайды.
9. Өз әрекетімен сабаққа бөгет жасайтын оқушыны мұғалім сәйкесінше жұмыс өткізу үшін кезекші әкімшіге жібереді. Мектеп әкімшілігіне міндетті түрде барулары тиіс.

10. Оқушылар мұғалім ескерту жасағанда уақытылы және тез әсер етуі қажет.
11. Сабақтан өз еркімен кетуге тыйым салынған. Сыныптан шығуға тек қана мұғалім рұқсат бере алады, оның өзі сабақ басталғаннан кейін 20 минут өткен соң, бірақ қоңырауға бес минут қалғанда емес.
12. Оқушылар белгіленген кабинеттерде Еңбек қорғау ережелерін біліп, сақтаулары тиіс.
13. Өз денсаулығын сақтау мақсатында партадағы өзінің отырысына, бас еңкішіне назар аударуы тиіс.
14. Ауыздағы сағыз – дөрекі әдеттің белгісі, сабақ кезінде оны қолдануға болмайды.
15. Сабақ аяқталғаны туралы қоңырау мұғалім үшін арналған. Тек мұғалім ғана сабақтың аяқталуы жайында хабарлап, сыныптан кетуге рұқсат бере алады. Сыныптан кеткен кезде өзінен кейін оқу орнын ретіне келтіреді.

Оқушылардың қоңыраудағы тәртібі

1. Кабинетті желдету үшін оқушылар үзіліс кезінде дәлізге шығулары тиіс.
2. Оқушылар мектептегі тәртіпті сақтау бойынша өз міндетін атқаратын кезекші мұғалімдерінің, мектеп бойынша кезекшілерінің және мектеп қызметкерлерінің талаптарына бағынуы тиіс (кезекшілік ережесін қарау).
3. Жаракатқа және мүлікті бұзуға әкелетін, сонымен қатар басқаларға демалуға бөгет жасайтын әрекеттер жасауға болмайды.
4. Оқушы үзіліс кезінде өз жұмыс орнын тазалап, сыныптан шығып кетуі тиіс.
5. Сынып бойынша кезекші, мұғалімге келесі сабаққа кабинетті дайындайды.
6. Оқушыларға үзіліс кезінде баспалдақтар мен қабаттарда жүгіруге болмайды; еденде және терезе алды тақтайына отыруға болмайды.

Оқушылардың оқу құжаттары

1. Әрбір оқушы сабақ кестесіне сәйкес сабаққа қажетті заттарды алып келуі тиіс.
2. Оқулықтарды, мектеп кітапханасына алған көркем әдебиеттерді ұқыпты пайдаланып, одан беттерді жыртуға үзілді-кесілді болмайды.

Оқушыларға қойылған бағалар

1. Мұғалім өткен бағдарлама материалдарымен қарастырылған бөлімдік, тоқсандық жиынтық бағалау жұмыстарына баға қояды, нәтижесі бойынша оқушыға, ата-анасына оны жеткізеді
2. Берілген пән үшін оқушының білім баға критерийі бағдарламамен анықталады.
3. Белгіленген мерзімде орындалмаған бөлімдік, тоқсандық жиынтық бағалау жұмыстарын қайта тапсыруға болады

Оқушыларға тыйым салынады:

1. Арақ-шарапты, темекіні, наркотикалық және токсикалық заттарды қолданып, әкелуге
2. Өрт тудыратын кез келген заттарды қолдануға
3. Қарым-қатынасты шешу үшін күш қолдануға, бопсалауға, дене күшін қолдануға, бір-бірін итеруге, заттарды лақтыруға, шулауға.
4. Өз өмірі мен денсаулығына және өзгелерге қауіпті әрекеттерді жасауға
5. Басқа оқушыларға және мектеп қызметкерлеріне әдепсіз, дөрекі сөздерді айтуға
6. **Білім беру ұйымдарына алып кіруге және қолдануға болмайтын заттардың тізімі.**

Қарулар

1. - барлық атыс қаруы (пистолет, револьвер, винтовка, шолок мылтық және т.б.); - атыс қаруының көшірмесі немесе соған ұқсайтын қару;
- атыс қаруының құрастырушы бөлігі (оптикалық құрылғылар/ көздеуіштерден басқа); - газды қару;
- пневматикалық тапанша, винтовкалар және шарлы қару; - сигналды тапанша, ойыншық тапаншалардың барлық түрі; - шеге қағу мен болттарды ұстататын өндірістік құрылғылар;
2. - арбалеттер, катапульталар, сүңгілер және найзалы құралдар; - жануарларды жансыздандыруға арналған құралдар; - мүйізді малдарды басқаруға арналған естен тандыратын немесе ұрып-соғатын құралдар;
3. - атыс қаруы түрінде жасалынған тұтатқыштар; - травматикалық және жарық-дыбыстық патрондарымен ұңғысыз қару; - электрошокты құрылғылар.

Қадалғыш/ кескіш қарулар мен өткір заттар

4. - балталар, сүңгілер мен найзалардың түрлері, мұз шапқыштар; - жылжымалы немесе лақтыратын жүзі бар кез келген ұзындықтағы пышақтар;
5. - металдан немесе басқа да мықты материалдан жасалынған ықтимал қару ретінде ұсталынатын кез келген ұзындықтағы пышақтар;
6. - ас үй пышақтары; - аң аулайтын (аңшылық) пышақтар; - ашық ұстаралар мен өткір лезвиелер (қауіпті және бір реттік қосымша лезвиесі бар ұстараларды қоса); - қылыштар мен семсерлер, қылыштың тұтқасы; - скальпелдер; - металды жұлдыздар;
- қадалғыш немесе кескіш қару ретінде қолданылатын өнеркәсіптік құрал-жабдықтар, есіктерге арналған темір тескіштер мен бұрғылар, шапқылар, қызмет көрсету пышақтары, аралар, бұрағыштар, балгалар; - бұрандылар; - тері астына дәрі беретін және токитын инелер;
7. - жүзінің ұзындығы 60 мм асатын қайшылар; - жүзінің ұзындығы 60 мм асатын жиналмалы, бүктелмелі жолға арналған пышақтар; - бекіністік құрал-саймандар
8. Мектепке шемішке әкелуге

- Өзіне, денсаулығы мен өміріне зиян келтіретіндей және мектеп мүлкіне зиян тиіп кететін әрекеттер жасауға.
10. Жиһаздар мен қабырғаға жазуға, мектеп жиһазын, кабинет жабдықтарын және басқа да мектеп мүлкін бүлдіруге болмайды.
 11. Мектепке тиесілі кітаптар мен құралдарға жазуға, кітап бетін жыртыуға.
 12. Мектеп территориясында және мекемеде қоқыс тастауға болмайды, қоқысты тек қоқыс тастауға арналған жерге тастау қажет.
 13. Сабақ кезінде ұялы телефондарды, планшеттер, смартфондар, плеерлер, электрондық ойындар және т.с.с. қолдануға.
 14. Оқу сабақтары кезінде мектеп дәлізінде болуға
 15. Ойынға арналмаған жерлерде, баспалдақтарда жүгіруге.
 16. Оқушылар жүрген жерде, баспалдақта кептеліс жасауға.
 17. Мектептен немесе сабақтан сұранбай кетуге.
 18. Мұғалімнің рұқсатынсыз кабинеттерден кілтті алу, сыныптарда жабылып, өз бетінше терезелерді ашуға.

Оқушылардың тәртібіне жалпы талаптар

1. Мектеп оқушылары үлкендерге сыйластықпен қарау қажет, педагогтарға «сіз» деп және толық аты мен әкесінің атын атауға міндетті.
2. Оқушылар үлкендерге, үлкен оқушылар кішілерге, ұлдар қыздарға жол берулері тиіс.
3. Оқушылар мектептен тыс өзін дұрыс ұстап, мектеп атына кір келтірмеулері қажет.
4. Мектеп оқушылары сөйлеу мәдениетіне назар аударып, ана тілі тазалағын сақтаулары қажет.
5. Оқушылар мектеп мүлкін ұқыпты ұстап, өзінің мүлкімен қоса, өзгенің де мүлкіне ұқыптылықпен қараулары тиіс.
6. Оқушылар есіктерді қатты жаппай, ойнамай, ұқыпты қараулары жөн.
7. Оқушылар Өрт қауіпсіздігі ережелерін қатаң түрде сақтаулары міндетті.
8. Мектеп бойынша кезекшілерге немесе мектеп қызметкерлері ескертулеріне дұрыс жауап беру керек, мектеп бойынша кезекші немесе мұғалімнің бірінші талабы бойынша тегі мен оқитын сыныбын айтулары қажет.
9. Үлкендермен сөйлескен кезде дөрекі мінез-құлық танытпай, қолын қалтада ұстамай, дұрыс сөйлеуі қажет.
10. Оқушылар мектеп мүлкін бүлдірсе жауапкершілікте болады (соның ішінде ата-аналар арқылы материалдық жауапкершілікке тартылады)

Тәртіптік бұзушылықтар

- Тәртіптік бұзушылықтар деп мектепте оқушылар Тәртіп ережелерін бұзу әрекеті есептеледі.
- Тәртіптің дөрекі бұзушылықтары деп ауыр жағдайға әкеліп соғатын нәтижесі есептеледі, олар:
- оқушылардың, қызметкерлердің немесе мектепке келген адамдардың өмірі мен денсаулығына зиян келген жағдайда; мектеп, оқушы, қызметкерлер және мектепке келген адамдардың мүлкіне зиян тигізген жағдайда;

оқу үрдісін бұзған жағдайда, мектеп жұмысының білім мекемесі ретінде шырқын бұзған жағдайда

Осы ережелермен барлық класс оқушылар таныстырылып, қол қойды.

Мектеп формасы туралы айтар болсақ, биылғы оқу жылында елімізде болып жатқан пандемияға байланысты білім министрі А.Аймағанбетовтың жарлығымен оқушылардан мектеп формасы талап етілмейді, бірақ оқушылар класикалық үлгіде киінуге тиіс. Біздің мектебіміздің оқушылары класикалық үлгідегі форманы ұстанады, сондай-ақ екінші аяқ киімді ауыстырып отырады.

ДТІЖО:



С.С.Керимова

«Сарыжар жалпы орта білім беретін мектебі» КММ
клуб жұмыстарының және шығармашылық үйірме жұмыстарының өткізілу нәтижесі және
оқушылардың тартылуы бойынша атқарылған жұмыстары туралы ақпарат

Мектепте жоғары сынып оқушыларынан құралған «Өзін-өзі басқаратын оқушылар ұйымы» жұмыс істейді.

Оқушылардың өзін-өзі басқару ұйымының мақсаты:

- қарым-қатынасты ізгіліктендіру;
- Ұжым өмірін жариялылыққа, еркіндікке негіздей отырып, оқушыларды қоғам мен мемлекетті басқару тетігіне дайындау;

Оқушылардың өзін-өзі басқарудың принциптері:

- мектеп өмірінің мәселелерін шешуде оқушылардың өзін-өзі басқарудағы өз бетімен шешім қабылдау қабілеттілігі;
- оқушылардың өзін-өзі басқару ұйымдарының жауапкершілігі;
- оқушылардың өзін-өзі басқаруда өкілеттілігін тағайындау;
- оқушылардың өзін-өзі басқаруда алуан түрлі әдістерін пайдалану;
- оқушылардың өзін-өзі басқару ұйымдарының оңашаландырылуы және тапсырыстарды жүзеге асырудағы тығыз байланыстылығы

Өзін-өзі басқарудың құндылығы сонда осы ұйым арқылы оқушылар мектеп өміріне, мектептің ішкі саясатына, әкімшілік жұмыстарына, мектепшілік оқу тәрбие үрдістеріне әсер ете отырып шешім қабылдауға ықпал етеді. Келер күнге сеніммен қарататын осындай игі де ізгілікті іс біздің ұжымымызда оң нәтижесін беруде.

Мектепте 8 фракциядан тұратын «Өзін-өзі басқару» ұйымының жұмысына тоқталып өтер болсақ.

«Құқық және тәртіп фракциясы» жетекшісі – Қаныбекқызы Жанерке 10 сынып оқушысы. Құқық және тәртіп фракциясы мектептегі оқушылардың құқығын бұзылмауын, дәліз бойында оқушылардың жүріс-тұрысын қадағалап, оқушыларға арналған жадынамалар таратып түсіндіру жұмыстарын жүргізіп отырады.

«Ақпарат фракциясы» - жетекшісі Асхатқызы Нұржайна 10 сынып оқушысы. Мектептегі өтілген шараларды әлеуметтік желілерге жариялап, сонымен бірге оқушылардың бос уақыттарында кітапханамен байланыс жасап, оқушыларды кітап оқуға қызықтыру, кітап рухани қазына екендігін ұғындыру мақсатында шаралар өткізді.

«Спорт және салауатты өмір салты» - Жұмашев Нұрсұлтан 10 сынып оқушысы. Қыркүйек айында «Денсаулық фестивалі -2024» салауатты өмір салтын қалыптастыру және спортты насихаттау мақсатында оқушылармен іс-шара өткізді. Сонымен бірге қоңырау уақытында оқушыларды спорттық әр-түрлі шараларға тартуда жұмыс атқарып келеді.

«Өзін-өзі тану және бақыт» фракция жетекшісі – Темірхан Гүлім 9 сынып оқушысы. Оқушылардың бойындағы адамгершілік, сүйіспеншілік, рухани тазалық қасиеттерін дамыту мақсатында әртүрлі тренингтер өткізді.

«Қамқорлық (еріктілік)» фракциясы жетекшісі- Қаниева Айсана 10 сынып оқушысы. Оқушылар арасында «Қоғамға қызмет» жобасын орындау бойынша жұмыстар атқарып келеді. Ауылымыздың табиғатын күтіп баптау, экологиялық мәселелеріне көңіл аудару мақсатында жұмыстанып келеді.

«Мәдениет және өнер музыкалық, көркемшығармашылық» фракция жетекшісі Пулатов Асылбек 9 сынып оқушысы. Мектептегі мәдени шаралардың өтуіне өз үлесін қосып келеді. Сонымен бірге мерекелік шаралар кезінде безендіру, сахнаны дайындау жұмыстарын өз тобындағы мүшелермен бірге атқарып жүр. Өткізілген іс-шаралар: Отбасы күніне орай «Отбасы

«бақыт мекені» отбасылық сайыс, Ұстаздар күніне орай «Қалдырған ізін мәңгілік» мерекелік іс-шарасы, «Аяулы күз, Алтын күз» сайысы, «Бала дауысы-2021» патриоттық әндер байқауы, Тәуелсіздік күніне орай «Кемеңгерліктің 30 жылы» концерттік бағдарламасы.т.б

«Дебат» фракциясы жетекшісі- Ережепова Айнұр 10 сынып оқушысы. Мектептегі «Мың бір ақиқат» дебат клубы жұмыс жасайды. Клуб оқушылары аудандық бірнеше дебат турнирлеріне қатысып,жүлделі орындар иеленіп, белсенділік көрсетуде.

«Экология және еңбек » фракция жетекшісі- Табылған Жаннұр 10 сынып оқушысы. Мектептегі өсімдіктер бағына оқушылармен бірге барып, оқушыларды өсімдіктерді күтіп баптау, суару жұмыстарына көңіл бөлуге дағдыландыру бағытында жұмыстар жасап келеді. Мектеп ауласына сенбілік жұмыстар жасап «Таза мектеп» бағытында жұмыстарды жандандаруға септігін тигізіп келеді.

Өзін-өзі басқару ұйымы жыл бойына құрылған жоспар бойынша өз жұмыстарын белсенді атқарып келеді. Әрбір фракция жетекшілері өз жұмыстарына жауапкершілікпен қарап, өздеріне жүктелген міндеттерді белсенділікпен атқаруда. Алдағы уақытта да өз жұмыстарын жауапкершілікпен атқаратын болады.

«1001 Ақиқат» дебат клубына 2024 жылдың қыркүйек айында Бисеналина Айгерім Талғатқызы жетекші болып тағайындалды. Клуб мүшелерімен танысып, клубқа оқушыларды тарту жұмысымен айналысты. Ай сайын клуб мүшелерімен бірге отырыс өткізіліп, елдегі, жаһандағы өзекті мәселелер талқыланып, дебат ережелері түсіндіріліп, көрсетілім ойындарды өткізілді. Қараша айында Қазақстан Республикасы тәуелсіздігінің 30 жылдығына орай «Қазақстанның болашағы – жастардың қолында» тақырыбында мектепішілік дебат турнирі ұйымдастырылды. Әр аудандық дебат турнирінің мектепішілік кезеңі өткізілді. «1001 Ақиқат» дебат клубының мүшелері Ережепова Айнұр мен Саматова Айкөркем «Медианы таны!» аймақтық ашық дебат турниріне қатысты. Қазақстан Республикасы Тәуелсіздігінің 30 жылдық мерекелеріне орай өткізілген «Тәуелсіздік – мәңгілік ел тұғыры» аудандық пікірсайыс турнирінде Ережепова Айнұр мен Аралбаева Перизат «Сенімді фракция» номинациясын иеленді, клуб жетекшісі «Үздік төреші» номинациясымен марапатталды.

«Шабыт» балалар театрының оқушыларымен танысу туралы айтар болсақ, қыркүйек айында «Сарыжар ЖОББМ» КММ-де оқушыларды балалар театрына қабылдау жұмыстары жүргізілді. Оқушыларға театр жоспары таныстырылып, театрға қабылданған оқушылар тізімі құрылды. «Шабыт» балалар театрының оқушыларына тыныс алуды дамытуға, сөйлеу аппаратының еркіндігіне, дұрыс артикуляцияға бағытталған жаттығу жұмыстары жүргізілді.Ақпан айында «Сарыжар ЖОББМ» КММ «Шабыт» балалар театрының оқушылары жоспар бойынша «Алдаркөсе» халық ертегісін сахналады.Оқушылар үш топқа бөлініп Алдаркөсе рөліп сомдап сайысқа түсті. Керекті құрал жабдықтарын дайындап әдемі қойылым көрсете білді. Әк команда қойылым қойғаннан кейін қалған екі команда бағалап, кеткен қателіктерін айтып отырды. Сайыс соңында әр команда өздерін бағалап, жүлделі орындарды иеленді.

Жалпы мектебіміздегі дебат, театр, өзін өзі басқару клубтарының жұмыстары бір жүйеге қойылған. Жұмыстары уақытылы жоспарға сай атқарылып отыр, әлеуметтік желіге жарияланып отыр.

ДТІЖО:  С.С.Керимова